

SKUPŠTINA UDRUŽENJA

PREDMET : Izveštaj za period 22.05.2016.-21.05.2017. godine,

- dostavlja se -

U skladu sa članom 66., 67., 68., 69. i 72. Statuta ULD „SRNDAĆ-VISOKO“ Visoko u ime Nadzornog odbora podnosim redovan godišnji izvještaj ovoj Skupštini kao najvišem organu Udruženja na razmatranje i usvajanje.

U proteklom izvještajnom periodu Nadzorni odbor Udruženja održao je ukupno 4 sjednice, 3 redovne i 1 vanrednu.

Odmah nakon održavanja Izborne Skupštine Udruženja izvršili smo konstituiranje Nadzornog odbora i izbor predsjednika i podpredsjednika ovog tijela. Za predsjednika je izabran Karalić Salko, a za podpredsjednika Hajlovac Adis.

Na zahtjev Predsjednika Udruženja Nadzorni odbor je 28.10.2016. godine održao vanrednu sjednicu ovog organa, a povodom dopisa koji je Upravnom odboru i Predsjedniku Udruženja uputio Predsjednik Nadzornog odbora Karalić Salko.

Nakon uvida u pomenuti dopis članovi Nadzornog odbora su konstatovali da je direktno prekršen član 71. Statuta Udruženja jer je Predsjednik Nadzornog odbora bez sazivanja sjednice i odluke ovog tijela samovoljno u ime Nadzornog odbora uputio sporni dopis.

Nadzorni odbor je konstatovao da je ovakvim postupanjem prekršen član 73. Statuta Udruženja jer utvrđivanje postojanja eventualne nepravilnosti te davanje uputa o njihovom otklanjanju može uraditi samo Nadzorni odbor u skladu sa Statutom , a nikako samovoljno Predsjednik Nadzornog odbora ili neko od članova Nadzornog odbora.

Zbog svega navedenog Nadzorni odbor smatra da je napravljena teža materijalna povreda propisa Udruženja te Nadzorni odbor nakon navedenih konstatacija je izglasao nepovjerenje Predsjedniku Nadzornog odbora Udruženja javnim glasanjem.

Nadzorni odbor je zaključio da se o svemu obavijesti Upravni odbor Udruženja, pokrene disciplinski postupak protiv Karalić Salke za učinjene disciplinske prestupe kao što je prethodno navedeno te uputi zahtjev Upravnom odboru Udruženja za suspenziju Karalić Salke do okončanja postupka kako dalje ne bi ometao rad organa Udruženja.

Upravni odbor Udruženja nije postupio po zaključku ovog tijela.

Nakon toga Podpredsjednik Nadzornog odbora je dao ostavku na to mjesto iz razloga kako bi ovo tijelo pravovaljano ponovno izabralo predsjednika i podpredsjednika, poštujući mogućnost kandidature svih članova da se kandiduju na upražnjeno mjesto.

Članovi Nadzornog odbora su javnim glasanjem, jednoglasno za Predsjednika Nadzornog odbora izabrali Hajlovac Adisa, a za Podpredsjednika Mostić Ibrahima.

Na 2. redovnoj sjednici Nadzorni odbor je razmatrao dopis koji je dobio od predsjednika Udruženja Čurt Mirsada i na osnovu pozitivni zakonskih propisa utvrdio da je Udruženje dužno postupiti po nalogu glavnog federalnog inspektora za lovstvo i nalogu za poduzimanje mjera iz nadležnosti od strane resornog ministarstva te na osnovu pomenutog ovaj organ je u skladu sa članom 73. Statuta Udruženja donio sljedeće zaključke za otklanjanje nedostataka i nepravilnosti koje je uočio :

Zaključak 1.

- da postupi po Rješenju Glavnog lovnog inspektora broj:13-26-4-00667/2017-1308-2 i Nalogu za poduzimanje mjera Ministarstva za poljoprivredu, šumarstvo i vodoprivredu ZDK broj: 05-05-19573-2/16 te zabrani lov Kurgaš Refiku za kojeg postoje dokazi da nema položen lovački ispit i svim ostalim licima za koje se utvrdi da nemaju položen lovački ispit;
- da u skladu sa članom 88. Statuta donese Rješenje o suspenziji do okončanja postupka;
- da odredi lice koje će sazvati Zbor sekcije Moštre, a koji će izvršiti izbor novog Predsjednika i člana Upravnog odbora u skladu sa Statutom Udruženja;
- da u roku od 3 dana od provedenja mjera obavijesti Nadzorni odbor;

Rok izvršenja 7 dana od dana zaprimanja ovog zaključka, uz upozorenje eventualno mogućih negativnih posljedica za Udruženje i članove Udruženja.

Zaključak 2.

Da se u skladu sa Statutom Udruženja pokrene disciplinski postupak protiv Kurgaš Refika i drugih koji su prilikom prijema i upisa imenovanog u matičnu evidenciju Udruženja postupili suprotno odredbama Statuta.

DOKAZ: - dokumentacija koja je dostavljena svim članovima Upravnog i Nadzornog odbora

Zaključak 3.

Nalaže se Predsjedniku Udruženja da cjelokupnu dokumentaciju koja je dostavljena članovima Upravnog i Nadzornog odbora, kao i sve druge dokaze koji su dostavljeni u Udruženje proslijedi nadležnoj policijskoj stanici na postupanje koja će utvrditi vjerodostojnost cjelokupne dokumentacije i eventualne nezakonite radnje.

Zaključak 4.

Nadzorni odbor je konstatovao da je u skladu sa članom 59. Statuta Predsjednik Udruženja kao odgovorno i ovlašteno lice za zastupanje i predstavljanje Udruženja postupio u skladu sa pozitivnim zakonskim propisima, blagovremeno obavijestio nadležne institucije po njihovom zahtjevu za izjašnjenje kao i Glavnog federalnog inspektora o uočenim nezakonitim radnjama.

Zaključak 5.

Nadzorni odbor najoštrije osuđuje nekorektan i nekolegijalan odnos članova Udruženja, a posebno u organima Udruženja te upozorava da je neprofesionalno spominjati lica koja nemaju nikakve veze sa radom organa Udruženja bez argumenata i činjenica.

Članovi u organima Udruženja treba da služe za primjer ostalim članovima, a ne da budu ti koji raspiruju mržnju i zavađaju članstva.

Upravni odbor Udruženja nije postupio po zaključku ovog tijela i otklonio navedene nedostatke.

Na 2. redovnoj sjednici Nadzorni odbor je razmatrao i jednoglasno bez primjedbi usvojio Finansijski izvještaj za period 01.01.2016. do 31.12.2016. godine uz sugestiju da se taksa za ulazak gosta u lovište uskladi sa visinom u susjednim društvima.

Na 3. redovnoj sjednici Nadzorni odbor je razmatrao realizaciju zaključaka ovog organa za otklanjanje uočenih nedostataka i nepravilnosti upućenih Upravnom odboru Udruženja sa 2. redovne sjednice Nadzornog odbora i zaključio da **Upravni odbor Udruženja nije otklonio nedostatke** koje je Nadzorni odbor uočio i poslao na postupanje istom što je u suprotnosti sa članom 73. Statuta Udruženja, a u vezi sa članom 79. stav 4, članom 80 i članom 80c. stav 2 Zakona o lovstvu FBiH („Službene novine FBiH”: broj 4/06, 8/10 i 81/14). Ovakvi postupci predstavljaju grubo kršenje Statuta Udruženja i pozitivnih zakonskih propisa zbog koji ovaj organ smatra da je neophodno održavanje Skupštine Udruženja i izglasavanje nepovjerna članovima Upravnog odbora koji su glasali i izjasnili se protiv provođenja Zakonom propisanih mjera ili su na bilo koji način doveli u pitanje postupanje po Rješenju glavnog lovnog federalnog inspektora i resornog ministarstva i time omogućili dalje učešće Kurgaš Refika u radu organa Udruženja i redovnog članstva uopće.

Udalje, Nadzorni odbor Udruženja na 3. redovnoj sjednici utvrdio je da Skupština Udruženja nije sazvana u skladu sa članom 47. Statuta Udruženja, a da su ispunjeni svi uslovi za njeno sazivanje održavanjem redovnih Zborova sekcija (osim sekcije Moštre) u skladu sa članom 35. Statuta Udruženja te da su dostavili svoje Izvještaje o radu u skladu sa Odlukom Upravnog odbora o održavanju redovnih Zborova sekcija do 23.04.2017. godine kao i činjenicu da je Predsjednik Skupštine podnio neopozivu ostavku na ovu funkciju.

Na zahtjev Predsjednika Udruženja te na osnovu utvrđenog činjeničnog stanja Nadzorni odbor u cilju ispunjavanja zakonskih i statutarnih obaveza koje su evidentno zanemarene daje svoju saglasnost da Čurt Mirsad kao ovlašteno lice za zastupanje i predstavljanje Udruženja sazove Redovnu godišnju Skupštinu Udruženja u skladu sa članom 43. – 59. Statuta Udruženja umjesto Predsjednika Skupštine te da Skupština odluči ko će predsjedavati istom do konačne odluke Skupštine po pitanju ovog problema. Obzirom da sekcija Moštre nije održala redovan godišnji Zbor zbog nepostojanja kvoruma, a što su i pismeno potvrdili (Izvod iz zapisnika sa Zbora od 23.04.2017. godine) u skladu sa članom 40. Statuta Udruženja izgubili su pravo za neposredno odlučivanje na Skupštini Udruženja putem delegata.

Molim Skupštinu Udruženja kao najviši organ Upravljanja u okviru prava i dužnosti Udruženja da u cijelosti usvoji ovaj izvještaj i njegovim usvajanjem potvrdi da je donijela posebnu Odluku o provođenju svih mjera i zaključaka koji su navedeni u ovom izvještaju te zaduži Predsjednika Udruženja i Predsjednika Nadzornog odbora za provođenje svih mjera i zaključaka iz ovog izvještaja bez ograničenja.

DOBAR POGLED.



**PREDSJEDNIK
NADZORNOG ODBORA**

/ Hajlovac Adis /